



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA HADŽIĆI
JAVNA USTANOVA OSNOVNA ŠKOLA „6.MART“ HADŽIĆI
Ul.6.mart broj 1, 71240 Hadžići

ŠKOLSKI ODBOR

Na osnovu člana 94. i člana 95. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19, 34/20 i 33/21), člana 86. Pravila JU OŠ “6.mart” Hadžići, člana 11. stav (3) tačka g) Pravilnika o izboru, nadležnostima i načinu rada školskih odbora osnovnih škola Kantona Sarajevo (“ Službene novine Kantona Sarajevo, broj : 35/17, 13/23) člana 3. i 4. Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo“, broj: 2/18, 32/18, 30/19) i Odluke Školskog odbora o raspisivanju javnog konkursa za izbor direktora/direktorice JU Osnovna škola “6.mart” Hadžići, broj: 01-1-1429/2023 od 26.12.2023. godine, Školski odbor JU Osnovna škola “6.mart” Hadžići raspisuje :

JAVNI KONKURS

ZA IZBOR DIREKTORA/DIREKTORICE JU OSNOVNA ŠKOLA“6.MART” HADŽIĆI NA PERIOD OD 4 GODINE

I - USLOVI KONKURSA

Pored općih uslova predviđenih Zakonom, kandidat za direktora/direktoricu škole je dužan da ispunjava i sljedeće uslove:

1. Da u pogledu stručne spreme ispunjava uslove za nastavnika, pedagoga, pedagoga-psihologa škole u koju konkuriše;
2. Da ima najmanje osam godina radnog iskustva i od toga najmanje pet godina radnog iskustva na poslovima u nastavi ili na pedagoško-psihološkim poslovima ili na rukovodnim poslovima u školi;
3. Da ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa;
4. Da ima najmanje zvanje mentora;
5. Da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana prijavljivanja na javni konkurs;
6. Da se na njega ne odnosi član IX 1. Ustava Bosne i Hercegovine (lica koja služe kaznu ili su pod optužnicom od strane Međunarodnog tribunala za bivšu Jugoslaviju, a koja se nisu povinovale naredbi da se pojave pred Tribunalom);
7. Da nije osuđivan za krivično djelo i privredni prijestup nespojiv sa obavljanjem dužnosti direktora/direktorice;
8. Da nema privatni finansijski interes u školi u kojoj se kandiduje za direktora/direktoricu;
9. Da nije lice koje boluje od zarazne ili duševne bolesti;
10. Da nije alkoholičar, odnosno ovisnik o opijatima;
11. Da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg krivičnog zakona može izreći kazna zatvora u trajanju od tri mjeseca i više;
12. Da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine i Zakonom o ministarskim, vladinim i drugim imenovanjima Federacije Bosne i Hercegovine;
13. Da nije lice razriješeno dužnosti direktora/direktorice zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora/direktorice;



II - SADRŽAJ PRIJAVE

Kandidati su dužni dostaviti sljedeću dokumentaciju (original ili ovjerenu fotokopiju):

1. Svojeručno potpisanu pisanu prijavu na javni konkurs sa kontakt podacima i tačno navedenom dokumentacijom koja se prilaže uz prijavu na javni konkurs;
2. Kraću biografiju-CV;
3. Izvod iz matične knjige rođenih;
4. Uvjerenje o državljanstvu (ne starije od šest mjeseci od dana objavljivanja konkursa);
5. Diplom o stečenju stručnoj spremi;
6. Uvjerenje o položenom stručnom ispitu;
7. Potvrdu/uvjerenje o radnom iskustvu i radnom iskustvu na poslovima u nastavi ili pedagoško-psihološkim poslovima ili na rukovodnim poslovima;
8. Rješenje o sticanju višeg stručnog zvanja;
9. Izjavu ovjerenu od strane nadležnog općinskog organa da protiv kandidata nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg krivičnog zakona može izreći kazna zatvora u trajanju od tri mjeseca i više;
10. Izjavu ovjerenu od strane nadležnog općinskog organa da kandidat nije osuđivan za krivično djelo i privredni prijestup nespojiv sa obavljanjem dužnosti direktora/direktorice;
11. Izjavu ovjerenu od strane nadležnog općinskog organa kojom kandidat potvrđuje da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana prijavljivanja na javni konkurs;
12. Izjavu ovjerenu od strane nadležnog općinskog organa da se na kandidata ne odnosi član IX. 1. Ustava Bosne i Hercegovine .
13. Izjavu ovjerenu od strane nadležnog općinskog organa kojom kandidat potvrđuje da nije lice koje boluje od zarazne ili duševne bolesti ;
14. Izjavu ovjerenu od strane nadležnog općinskog organa kojom kandidat potvrđuje da nije alkoholičar, odnosno ovisnik o opijatima;
15. Izjavu ovjerenu od strane nadležnog općinskog organa da nema privatni finansijski interes u školi u kojoj se kandiduje za direktora/direktorice;
16. Izjavu ovjerenu od strane nadležnog općinskog organa da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji BiH i Zakonom o ministarskim, vladinim i drugim imenovanjima Federacije BiH;
17. Izjavu ovjerenu od strane nadležnog općinskog organa da nije lice koje je razriješeno dužnosti direktora/direktorice zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora/direktorice.

NAPOMENA:

Ljekarsko uvjerenje - ne starije od šest mjeseci, izdato od strane javne zdravstvene ustanove, izabrani kandidat dostavlja školi nakon imenovanja za direktora/direktorice škole.

Uvjerenje da protiv kandidata nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg krivičnog zakona može izreći kazna zatvora u trajanju od tri mjeseca i više, te uvjerenje da kandidat nije osuđivan za krivično djelo i privredni prijestup nespojiv sa obavljanjem dužnosti direktora/direktorice, dužan je dostaviti izabrani kandidat nakon donošenja odluke o izboru direktora/direktorice škole.



III - KONKURSNI ROK

Konkurs će biti objavljen u dnevnim novinama “Oslobođenje” i na službenoj internet stranici Ministarstva za odgoj i obrazovanje Kantona Sarajevo, u četvrtak, 28.12.2023.godine i ostaje otvoren **15 (petnaest)** dana od dana posljednjeg objavljivanja. Krajnji rok za prijavu na javni konkurs za izbor direktora/direktorice 12.01.2024.godine.

IV – VRIJEME ZA KOJE SE VRŠI IMENOVANJE

Direktor/direktorica JU OŠ “ 6.mart” Hadžići će se imenovati na period od 4 (četiri) godine (2024.-2028.godina).

V - NAČIN I ROK OBAVJEŠTAVANJA KANDIDATA O REZULTATIMA KONKURSA

Školski odbor će u roku od 8 (osam) dana od dana donošenja odluke o imenovanju direktora/direktorice, o navedenoj odluci u pisanom obliku obavijestiti sve kandidate koji su se prijavili na javni konkurs.

VI - DOSTAVA PRIJAVE I DOKAZA O ISPUNJAVANJU USLOVA KONKURSA

Svojeručno potpisanu prijavu sa traženom dokumentacijom kandidati dostavljaju putem pošte preporučeno na adresu : Javna ustanova Osnovna škola “6.mart” Hadžići, ul. 6.mart broj 1, 71240 Hadžići ili lično sekretaru škole u zatvorenoj koverti sa naznakom „Prijava na javni konkurs za izbor direktora/direktorice škole - ne otvaraj (otvara komisija)“.

Procedura izbora i imenovanja direktora škole obaviti će se u skladu sa Pravilnikom o izboru, imenovanju i razrješenju direktora osnovnih škola Kantona Sarajevo (“ Službene novine Kantona Sarajevo”, broj : 2/18, 32/18 i 30/19).

Nepotpune i neblagovremene prijave neće se uzimati u razmatranje.

Školski odbor

Bosna i Hercegovina
Federacija Bosne i Hercegovine
Kanton Sarajevo
Općina Hadžići
Javna ustanova Osnovna škola „6. mart“
Hadžići



Bosnia and Herzegovina
Federation of Bosnia and Herzegovina
Canton Sarajevo
Municipality Hadžići
Public Institution Primary school „6. mart“
Hadžići
